

Mashaal - 1950 Movie**"Aaj Nahi Toh Kal"**

Visit "[Aaj Nahi Toh Kal](#)" on MotoLyrics.com

Song By LATA MANGESHKAR

aaj nahi to kal bikhar jaayenge ye baadal
hansate hue chal
mere man hansate hue chal
beeti hui baaton pe
beeti hui baaton pe ab rone se kya phal
hansate hue chal
mere man hansate hue chal

guzar chuka hai jo zamaana
guzar chuka hai jo zamaana
tu bhool ja usaki dhun
jo aanevaale din hain
unaki aavaaz ko sun
mujhe pata hai bade bade
toofaan hain tere saamane
khushi khushi tu sahata ja
jo kuch bhi diya hai raam ne
apani tarah kitanon ke
yahaan toot chuke hain mahal
hansate hue chal
mere man hansate hue chal

phoolon ka sehara baandhanevaale
is duniya mein anek
jo kaanton ka taaj pahan le
vo laakhon mein ek
mere man vo laakhon mein ek
gire bijaliyaan gire bijaliyaan
gire bijaliyaan phir bhi apani
tek(?) se tu mat tal
hansate hue chal
mere man hansate hue chal

meri muhabbat aaj jalaana
sambhal ke zara chiraag
meri muhabbat aaj jalaana
sambhal ke zara chiraag
main kaagaz ke ghar mein baithi
lag na jaaye aag
lag na jaaye aag meri qismat mein

lag na jaaye daag meri izzat mein
is desh ki naari ko
is desh ki naari ko
koi kah na de durabal
hansate hue chal
mere man hansate hue chal

Visit [Mashaal - 1950 Movie](#) page on MotoLyrics.com, to get more lyrics and videos.

[MotoLyrics.com](#) | Lyrics, music videos, artist biographies, releases and more.